

He Pānga Riterite

Whārangi Tārua 1

- Me mahi takirua ki te whakaoti i ēnei rapanga.
- Tuhia he pikitia, he tūtohi, he kauwhata rānei hei whakaatu i ngā kōrero matua o roto i te rapanga.
- Whakawhitiwhiti kōrero me tō kaiako mō te rautaki i whāia e kōrua ki te whakaoti i te rapanga.

1. E rua ngā rākau i whakatōngia e Haki, he tōtara tētahi, he horopito tētahi. E 30 cm te teitei o te tōtara, e 50 cm te teitei o te horopito. I te paunga o ngā tau e rua, ka inea anō ngā rākau nei. E 75cm te teitei o te tōtara, e 95 cm te horopito. Ko tēhea te rākau he rahi rawa te tipu i roto i te rua tau?

2. E toru ngā putiputi e tipu ana. He kāneihana, he parani, he rōhi. Ka inea te teitei o ēnei putiputi, e 30 cm te teitei o te kāneihana, e 40 cm te teitei o te parani, e 50 cm te teitei o te rōhi. I te paunga o ngā wiki e whā, ka inea anō ngā putiputi nei. E 60cm te kāneihana, e 70 cm te parani, e 80 cm te rōhi. Ko tēhea te putiputi he nui rawa te tipu i roto i ēnei wiki e whā?

3. Titiro ki ngā huinga āhua nei. Ko tēhea te huinga he maha rawa ngā porowhita?



4. E whai ana a Roimata rāua ko Tamahou i tētahi kaupapa ki te whakaheke i ō rāua taumaha. I te fīmatanga, e 80 kg te taumaha o Roimata, 100 kg te taumaha o Tamahou. E waru wiki rāua e whai ana i tēnei kaupapa, kua heke te taumaha o Roimata ki te 70 kg, kua heke tō Tamahou ki te 90 kg. Ko tēhea o rāua i tino heke ai te taumaha?